



....
.....

RAPORT STATISTIKOR

JANAR-SHKURT 2024

Hyrje

Raporti synon të japë një përshkrim analitik të treguesve të primeve të shkruara bruto dhe dëmeve të paguara të Tregut të sigurimeve dhe me pas të shoqërisë Insig sh.a për periudhën janar-shkurt 2024, krahasuar me të njëjtën periudhë të një viti më parë, si edhe për tregues specifikë të dhënat krahasohen për periudhën janar-shkurt të viteve nga 2020-2024. Në përfundim të raportit ndërtohen projeksione dhe jepen vlerësime të mbështetura në fakte dhe gjykime.

Burimet kryesore mbi të cilat mbështetet raporti janë; Buletini Statistikor zyrtar i Autoritetit të Mbikëqyrjes Financiare për periudhën janar-shkurt 2024 dhe të dhënat statistikore të përpunuara për periudhën në shqyrtim, të shoqërisë Insig Sh.a

Tabela e përmbajtjes

1. Tregu i sigurimeve gjatë periudhës Janar-Shkurt 2024.....	2
1.1 Primet e shkruara bruto nga aktiviteti i Jo Jetës	3
1.2 Dëmet e paguara nga aktiviteti i Jo Jetës	4
2. Prime të shkruara bruto nga shoqëria Insig për periudhën Janar-Shkurt 2024	5
2.1 Primet e shkruara bruto për klasën e sigurimit të aksidenteve	6
2.2 Primet e shkruara bruto për klasën e sigurimeve Motorike	7
2.3 Primet e shkruara bruto për klasën e sigurimit të pronës	8
2.4 Primet e shkruara bruto për klasat e tjera	8
3. Dëmet e paguara nga shoqëria Insig për periudhën Janar-Shkurt 2024.....	9
3.1 Dëmet e paguara nga sigurimet motorike	9
3.2 Dëmet e paguar nga sigurimet e Pronës dhe Aksidenteve e Shëndetit	10


1. Tregu i sigurimeve gjatë periudhës Janar-Shkurt 2024

Tregu i sigurimeve për periudhën janar-shkurt 2024 ka realizuar 3,565,097 mijë lekë prime të shkruara bruto nga tregu i sigurimit të Jetës, JoJetës dhe veprimtaria e risigurimeve duke shënuar rritje me 8.14% krahasuar me periudhën janar-shkurt 2023. Nga aktiviteti i Jo Jetës janë realizuar 3,254,132 mijë lekë prime duke shënuar një rritje me 7.78% dhe nga aktiviteti i Jetës janë realizuar 310,870 mijë lekë prime duke shënuar një rritje prej 12.09%, kurse veprimtaria e risigurimeve ka realizuar 94 mijë lekë vetëm për janar-shkurt 2024. Vlera e dëmeve të paguara nga industria e sigurimeve është 1,285,596 mijë lekë me një rritje prej 19.03% krahasuar me periudhën janar-shkurt të vitit 2023. Njësoj si treguesit e primeve të shkruara, pjesa më e madhe e dëmeve të paguara afro 88.18% e tyre paguhet nga aktiviteti i Jo Jetës, 2.82% e tyre nga aktiviteti i Jetës dhe 6.64% nga dëmet e paguara të fondit të kompensimit.

1.1 Primet e shkruara bruto nga aktiviteti i Jo Jetës


Totali i primeve të shkruara bruto nga aktiviteti i Jo Jetës është 3,254,132 mijë lekë duke shënuar rritje me 7.78% krahasuar me të njëjtën periudhë të vitit 2023. Ndikimin kryesor në rezultatin e rritjes së përgjithshme të tregut krahasuar me janar-shkurt të vitit 2023, ka dhënë rritja në sigurimin Kasko 18.88%, në sigurimet e detyrueshme motorike me 9.76% rritja në sigurimet e aksidenteve e shendetit me 21.26% dhe te zjarri me 10.02% sipas grafikut 1.

Grafiku 1: Ndryshimi i primeve të shkruara bruto sipas klasave të sigurimit, janar-shkurt 2024/2023




Duke ju referuar periudhës janar-shkurt për vitet 2020-2024 sipas grafikut 2, trendi i primeve rezulton me luhatje nga viti 2020 ne 2022 dhe fillon ngrihet gradulisht në dy vitet pasardhës duke shënuar vlerën më të lartë në janar-shkurt 2024.

Grafiku 2: Ecuria e primeve të shkruara bruto tregu i sigurimeve, janar-shkurt 2020-2024 (mijë lekë)




Tregu vazhdon të dominohet nga klasa e sigurimeve të detyrueshme motorike duke zotëruar 62.84% të totalit të primeve të shkruara bruto, e ndjekur më pas me rreth 13.02% nga sigurimet e pronës ndërsa pjesa tjetër e ndarë midis klasave të tjera. Referuar grafikut 3, ku paraqitet raporti i sigurimeve vullnetare me ato të detyrueshme për periudhën janar-shkurt përpjesa që sigurimet vullnetare zënë ndaj sigurimeve totale është më e madhe në periudhën janar-shkurt të vitit 2021 me 40.07% prime vullnetare ndaj totalit. Ndërkohë që raporti më i ulët paraqitet në periudhën janar-shkurt të vitit 2022 me 32.71%. Për periudhën raportuese raporti rezulton 37.16% me 62.83%.

Grafiku 3: Raporti vullnetare/totalit për periudhën janar-shkurt 2020-2024 (mijë lekë)




Referuar sigurimeve të detyrueshme motorike, krahasuar me të njëjtën periudhë të një viti më parë, të treja produktet rezultojnë me rritje, TPL me 11.24%, kartpni jeshil me 1.59% dhe kufitare me 7.23%. Numri i kontratave të lidhura për sigurimet e Jo Jetës gjatë periudhës janar-shkurt 2024 është 183,831 kontrata, duke shënuar rritje prej 9.37% ose 15,750 kontrata më shumë se viti 2023. Ndërkohë, norma e rritjes së tregut është rreth 7.78% krahasuar me janar-shkurt 2023, sipas shoqerive norma e rritjes së primit grafik 4.

Grafiku 4: Norma e rritjes së primit, janar-shkurt 2024/2023




Grafiku 5: Raporti vullnetare/totalit, janar-shkurt 2024



1.2 Dëmet e paguara nga aktiviteti i Jo Jetës


Gjatë periudhës janar-shkurt 2024 nga aktiviteti i sigurimit të Jo Jetës janë paguar 1,133,637 mijë lekë dëme, duke shënuar një rritje me 12.82% ose 128,847 mijë lekë pagesa më shumë krahasuar me periudhën janar-shkurt të vitit 2023 dhe kjo shoqërohet edhe me rritjen e numrit të rasteve të paguara me 24.45% ose 2,123 raste më shumë.

Grafiku 6: Ecuria e dëmeve të paguara nga tregu (mijë lekë), janar-shkurt 2020-2024



Sipas ilustrimit dhe në grafikun 6, vlera më e lartë e dëmeve të paguara është për periudhën janar-shkurt të vitit 2020. Gjatë periudhës janar-shkurt 2024, ndërkohë që rritet vlera e dëmeve të paguara rritet edhe numri i dëmeve me 24.45% ose 2,123 raste më shumë. Grafiku 7, ndryshimi i dëmeve të paguara sipas klasave.

Grafiku 7: Ndryshimi në dëmet e paguara sipas klasave të sigurimeve, janar-shkurt 2024/2023




Pjesa më e madhe e dëmeve të paguara vjen nga lloji i sigurimeve motorike rreth 71.85% e totalit, ndjekur nga aksidentet dhe shëndeti me 8.81%, zjarri dhe dëmtimet e tjera në pronë me 18.30% dhe Të Tjera me 1.03%.

2. Prime të shkruara bruto nga shoqëria Insig për periudhën Janar-Shkurt 2024


Aktiviteti i shoqërisë INSIG për periudhën janar-shkurt 2024 për Tregun e Sigurimeve të Jo Jetës, u mbyll me një rezultat primesh të shkruar bruto prej 210,764 mijë lekë, duke shënuar **një rritje prej 5.92%** ose 11,781 mijë lekë më shumë krahasuar me periudhën janar-shkurt të vitit 2023. Krahasuar me janar-shkurt nga vitet 2020– 2024, ecuria e primeve të shoqërisë Insig është pothuajse jo e rregullt, duke shënuar vlerën më të ulët në janar-shkurt të vitit 2020 dhe vlerën më të lartë të primeve të realizuara në janar-shkurt të vitit 2024 paraqitur grafiksht si më poshtë në grafikun 8.

Grafiku 8: Ecuria e primeve të shkruara bruto Insig, janar-shkurt 2020-2024 në mijë lekë



Raporti i sigurimeve vullnetare ndaj totalit për periudhën janar-shkurt të vitit 2024 është 12.82% me 87.18%, duke shënuar një rënie në përqindje prej 3.24% të këtij raporti krahasuar me të njëjtën periudhë të vitit 2023, ku raporti i vullnetareve ndaj totalit ishte 16.06%. Ecuria e këtij raporti për periudhën janar-shkurt nga 2020-2024 paraqitet sipas grafikut 9 .


Grafiku 9: Prime vullnetare ndaj totalit Insig janar-shkurt 2020-2024 (mijë lekë)



2.1 Primet e shkruara bruto për klasën e sigurimit të Aksidenteve e Shëndetit

Gjatë periudhës janar-shkurt të vitit 2024 nga klasa e sigurimit të Aksidenteve dhe Shëndetit janë realizuar 1,843 mijë lekë prime të shkruara bruto duke shënuar një rënie me 56.20% krahasuar me të njëjtën periudhë të vitit 2023. Primet e realizuara nga ky grup në raport me totalin zënë 0.87% e tyre. Grafiku 10, ilustron ecurinë e primeve të shkruara bruto për periudhën janar-shkurt nga vitit 2020-2024. Vlera më e ulët e primeve të grumbulluara shënohet për periudhën janar-shkurt të vitit 2021, ndërsa më e larta për periudhën janar-shkurt 2023.

Grafiku 10: Primet e shkruara bruto klasa e aksidenteve e shëndetit Insig janar-shkurt 2020-2024 (mijë lekë)




2.2 Primet e shkruara bruto për klasën e sigurimeve Motorike

Në klasën e sigurimeve motorike, përfshihen sigurimet e detyrueshme motorike Tpl, Karton Jeshil, Kufitare dhe sigurimet vullnetare motorike, Kasko. Nga klasa e sigurimeve motorike shoqëria Insig për periudhën janar-shkurt të vitit 2024 ka grumbulluar 195,427 mijë lekë prime të shkruara bruto, duke shënuar rritje me 10.32% Vetëm nga sigurimet e detyrueshme motorike primet e shkruara bruto janë 183,746 mijë lekë, të cilat përbëjnë rreth 94.02% të gjithë primeve të klasës motorike. Nga sigurimet e detyrueshme motorike Tpl zë pjesën më të madhe dhe krahasuar me 2023 dhe ka një rritje 11.78%, Kartoni Jeshil ka një rritje me 0.51% dhe Kufitare ka një rritje me 6.08% Ndërkohë për periudhën janar-shkurt 2024, primet e shkruara bruto për sigurimin Kasko janë 11,681 mijë lekë, duke shënuar një rritje me 15.52% krahasuar me vitin 2023. Primet e kësaj klase zënë 5.98% të totalit të motorikeve. Primet e


realizuara nga sigurimet motorike, bëjnë pjesën më të madhe të totalit të primeve të INSIG, duke zënë respektivisht 92.72% të tij. Për periudhën janar-shkurt të viteve nga 2020–2024 trendi i primeve të sigurimeve të detyrueshme motorike është i luhatshëm, ku vlera më e ulët shënohet për janar-shkurt e vitit 2021 dhe vlera më e lartë në janar-shkurt të vitit 2024 sipas grafikut 11.

Grafiku 31: Ecuria e primeve - klasa e sigurimeve motorike të detyrueshme Insig, janar-shkurt 2020 - 2024 (mijë lekë)



Trendi i primeve të realizuara për sigurimet Kasko, është i luhatshëm duke parë ecurinë për periudhën janar-shkurt nga 2020-2024, ku vlera më e ulët shënohet në vitin 2020 dhe vlera më e lartë në vitin 2021 sipas grafikut 12.


Grafiku 42: Ecuria e primeve Insig – klasa e sigurimeve kasko, janar-shkurt 2020-2024 (mijë lekë)



2.3 Primet e shkruara bruto për klasën e sigurimit të pronës

Në klasën e sigurimeve të Pronës sipas të dhënave të AMF-së, përfshihen përveç sigurimeve nga Zjarri, Forcat e Natyrës dhe Dëmtime të tjera në Pronë edhe sigurimet e punimeve në ndërtim si CAR apo dhe EAR. Totali i primeve të realizuara nga kjo klasë për periudhën janar të vitit 2024 është 7,513 mijë lekë, duke shënuar rritje me 107.71% krahasuar me janar-shkurt të vitit 2023. Në raport me totalin e primeve të INSIG për periudhën janar-shkurt të vitit 2024, kjo klasë zë 3.56% të primeve totale të vetë shoqërisë. Ecuria e primeve bruto të kësaj klase për periudhën janar-shkurt nga 2020-2024 paraqitet në grafikun 13, ku vihet re që vlera më e ulët i takon vitit 2022 dhe vlera më e lartë arrihet në vitin 2021.


Grafiku13: Ecuria e primeve Insig - klasa e sigurimeve të pronës, janar-shkurt 2020-2024 (mijë lekë)



2.4 Primet e shkruara bruto për klasat e tjera

Në klasat e sigurimeve të tjera përfshihen llojet e sigurimeve të Garancive, Mallrave në Transport, Përgjegjësi, Aviacionit dhe Marinës. Totali i primeve të realizuara nga kjo klasë për periudhën janar-shkurt të vitit 2024 është 5,981 mijë lekë. Në raport me totalin e primeve të realizuara për periudhën janar-shkurt të vitit 2024, ky grup realizon 2.84% të totalit. Sigurimi i Garancive zë peshën më të madhe në këtë grup, i ndjekur nga sigurimet e Përgjegjësi dhe me pas klasat e tjera të sigurimeve sipas grafikut 14.

Grafiku 54: Ecuria e primeve Insig për klasat e tjera, janar 2020-2024 (mijë lekë)




3.Dëmet e paguara nga shoqëria Insig për periudhën Janar-Shkurt 2024

Për periudhën janar-shkurt 2024, totali i dëmeve të paguara nga shoqëria INSIG është 53,885 mijë lekë pagesa përfshirë edhe shpenzimet për trajtimin e dëmeve, duke shënuar një rënie me 39.12%, krahasuar me të njëjtën periudhë të vitit 2023. INSIG renditet në vend të shtatë në treg duke paguar rreth 4.75% të totalit të dëmeve të tregut. Ndërkohë numri i dëmeve të paguara është rritur me 43.37% ose 121 raste më shumë krahasuar me periudhën janar-shkurt të vitit 2023. Raporti dëme/prime për periudhën janar-shkurt 2024 rezulton të jetë 25.57%.


Për INSIG, pjesa më e madhe e vlerës së pagesave për periudhën janar-shkurt 2024 i takon sigurimeve motorike që zënë 99.81% të totalit të pagesave, e ndjekur nga sigurimet aksidentet me 0.19% të totalit të pagesave. Më poshtë grafiku 15, paraqitja grafike e peshës specifike të pagesave që zë secila klase ndaj totalit, për periudhën janar-shkurt 2024.

Grafiku 15: Pjesa e dëmeve të paguara nga llojet e sigurimit Insig, janar-shkurt 2024



Duke ju referuar ecures së pagesave në vite vihet re që, për periudhën janar-shkurt nga viti 2020-2024, kemi një luhajtje pagesash. Janar-shkurt i vitit 2023, shënon vlerën më të lartë të pagesave dhe viti 2022 shënon vlerën më të ulët. Raporti dëme/prime është më i lartë në vitin 2023 rreth 44.48% sipas grafikut 16.

Grafiku 16: Ecuria e dëmeve të paguara të Insig, janar-shkurt 2020-2024 (mijë lekë)



3.1 Dëmet e paguara nga sigurimet motorike


Sigurimet motorike për periudhën janar-shkurt 2024, kapin vlerën prej 53,782 mijë lekë ose 99.81% të totalit të pagesave. Nga karahasimi me periudhën janar-shkurt të vitit 2023, kemi një rritje prej rreth 13%. Brenda grupit 12.34% e pagesave i takon sigurimit motorik vullnetar Kasko dhe pjesa tjetër prej 87.66% i takon pagesave për sigurimet e detyrueshme motorike ku Tpl zë 79.72%, Kartoni Jeshil 7.81% dhe Kufitare 0.13%. Referuar karahasimit me periudhën janar-shkurt të vitit 2023, TPL rezulton me rritje pagesash prej 29.41%, Kartoni Jeshil rezulton

me rënie prej 64.44%, Kasko rezulton me rritje prej 184.73% dhe Kufitare rezulton me rënie prej 78.64%.

3.2 Dëmet e paguar nga sigurimet e Pronës dhe Aksidenteve e Shëndetit

Pjesa tjetër e dëmeve të paguara vjen nga klasa e sigurimit të Pronës , Garancive dhe Aksidenteve e Shëndetit. Nga klasa e sigurimeve të Pronës dhe Garancive për janar-shkurt 2024 nuk kemi raportime pagesash. Vlera e dëmeve të paguara per 2023 është 5,770 mijë lekë pagesa. Përsa i përket Aksidenteve dhe Shëndetit për periudhën janar-shkurt 2024, vlera e dëmeve të paguara është 103 mijë lekë pagesa me një rënie prej 55.79% krahasuar me vitin 2023. Raporti i dëmeve të paguara ndaj primeve të realizuara për këtë klasë është 5.59%.Kjo klasë në raport me pagesat totale të tregut zë 0.10% të këtij totali. Grafikisht më poshtë, ecuria e pagesave për periudhën janar-shkurt 2023-2024 dhe ndryshim në përqindje sipas klasave të sigurimeve.

Grafiku 17: Pagesat sipas klasave dhe ndryshimi në përqindje Insig, janar-shkurt 2023-2024 (në mijë lekë)



D.Paguara	TPL	Karton Jeshil	Kufitare	Kasko	Aksid, & Shend,	Zjarr	Garanci	Transport
2023	33,130	11,810	323	2,331	233	5,770	34,917	0
2024	42,875	4,200	69	6,637	103	-	-	0
Ndysh.%	29.41%	-64.44%	0.00%	184.73%	-55.79%	0.00%	0.00%	0.00%

Burimi: AMF & INSIG